


9- МАЙДИН СУВАР МУБАРАКРАЙ!



«Магьарамдхуьруьн район» МР-дин
общественно-политический газет.
Общественно-политическая газета
МР «Магьарамкентский район».

ГОЛОС САМУРА

Газет 1951- йисалай акъатзава. № 19 (8054) киш, 8- май, 2021- йис. Къимет 6 манат

САМУРДИН

СЕЕ

СУВАРИН ТЕБРИК



1945- ЙИСАН риклелай алат тийидай Гъалибвилин йикъалай инихъ гзаф йисар алатнава, чандилайни гъил къачуна Ватандин азадвал хвейибур фадлай къуьзуь хъанва. Амма чун патал абур эбеди жегъилар ва жуьрэтлу игитар яз, Гъалибвални чи риклера авай эбеди сувар яз амукъда. Къе чна фронтовикриз, далу патан ветеранриз ва абурун невейриз 9-МАЙДИН СУВАР риклин сидкъидай тебрикзава.

Гъалибвилин Юкъуз чаз азадвал ва аслу туширвал гъайи ГЪАЛИБВИЛЯЙ ЧЕХИ несилдиз риклин сидкъидай

чухсагъул лугъуз кланзава ва гъалибчи несилдиз 9-майдин югъ мубаракзава.

Гъалибвал къазанмишай йикъалай инихъ несилар дегии хъана, чун чехи хъана. Гила ислягъвилин къаравулда акъваздай чи нубат атанва. Чун бубайрин женгинин адетриз вафалу жедайдахъ ва абур ян тагана давамардайдахъ рикливай инанмишвал ийиз кланзава. Чи чехи уьлкведин халкъарин туьхуьн тийидай Гъалибвилик чи

районэгълийрини чтин члехи пай кутуна. Чи райондай фронтдиз 2500 касдилай гзаф фена. Абурукай 1800 кас Ватандин Чехи дяведин ягъунрин майданра 1800 касдилай гзаф телеф хъана. Атлугъай а йисара далупата амайбуруни фронт суьрсетдалди таъминарун патал югъ-йиф зегъмет члугуна.

Чаз азадвал ва ислягъвал гъайи, и кар патал галатун тийижиз зегъмет члугур вирибуруз къе чна кылер агъузна икрам ийизва.

Гъуьрметлу ветеранар ва вири районэгълияр! За квез «Магъарамдхуьруьн район» муниципальный райондин администрациядин тIварунихъай Чехи Гъалибвилин 76 йис тамам хьун мубаракзава. Къуй квехъ сагъвал, бахтлувал, кIвалахра агалкъунар ва кылер эбеди михьи цав хъурай.

Фарид АГЪМЕДОВ,
«Магъарамдхуьруьн район»
МР-дин Кыл.





СОВЕТРИН уьлкведи Ватандин ЧТехи дяведа Гъалибвал къазанмишна 76 йис тамам хъанва. Дяведин гъакъикъи цТаяр акур фронтовикрин жергеяр къвердавай къери жезва. Гъайиф хъи, кье чна фашистрин Германиядал Гъалибвал къазанмишайдалай инихъ 76 йисан сувар къаршиламишдайла чи районда а рикТелай садрани тефидай цТаярай акъатай ветеранар амач, абур рагъметдиз фена, къуй абуруз виридаз рагъмет хъурай. Амма 9- Май-

и гуьзел суварик иштиракзавай гъар садаз и сувар багъая.

1941-1945-йисара кьиле феи Ватандин чТехи дяведа чи Магъарамдхуьруьнвийрини чпин уьткемвал ва дирибашвал къалурна. Абуру ислягъвал, азадвал патал дяведа чпин чанар къурбанд авуна. Абурун



САДРАНИ РИКТЕЛАЙ АЛУДАЧ

дин сувар абурун не-силри гъич садрани рикТелай ракъурдач. ЧТехи Гъалибвилин сувар чи рикТера вирида-лайни важиблу ва нурлу сувар яз амукъда.

Гъалибвилин сувар-ам кье рагъмет хъанвай ветеранриз, лайихлу ял язавай дяведин йисарин аялар тир, аялвал такур, гъалибвал патал мумкин тир вири крар авур, чТехибуруз куьмекар гайи, дяведин женгера гъалибвилихъ къачузвай гъар са камунал шадвал авур ксаризни, гъакI абурун веледризни, хтулризни, птулризни, хушвилелди

жергейра 1925- йисуз Магъарамдхуьре лежбердин хизанда дидедиз хъайи Рамазанов Шихали Рамазанович авай.

1943- йисуз 18 йис хъанвай жегъил гада гуьгьуллудаказ фронтдиз фена. Ватандин вилик вичин буржи эхирдал къван кьилиз акъудай Рамазанов Шихали гьукуматдин наградайрин сагъиб хъана. Баркаллу магъарамдхуьруьнвиди 415 стрелковий полкуна Украинада кьиле феи цТаяра иштиракна. Ахпа 92 гвардейский корпусдин Николаевский полкуна, эхирдай 10- гвардейский Будапештский стрелковий корпусда хъа-

на. Къизгъин женгера къалурай уьтквемвилерай адаз Отечественный дяведин 1 ва 2- дережадин орденарни гана. Дяведин инвалид Рамазанов Шихали Рамазанович 2008-йисан 4- апрелдиз рагъметдиз фена. Адаз 4 аял, 10 хтул, 4 птул ава. Шихали бубади бахтлу, намуслу, яргъи, зегъметдал рикI алай уьмуьр кечирмишна. Къуй Шихали бубадин эхиратдин кIвал къени хъурай. Ам вичин хуьруьнвийрин, мукъва кьилийрин, аялрин, хтулрин рикТера гъамишалугъ эбеди яз амукъда.

ЖАННА .



ЧНА ГЪАМИША ДАМАХЗАВА

ГАТФАРИН хъуьтуьл хъанвай гъавадикай, къа-цу махпурдин либас алуқІнавай тІебиатдикай лезет хкудзавай инсанри, Ватандин чІехи дяведа къазанмишай чІехи Гъалибвилин сувар шад гъалара къейдзава. И сувар чаз чІехи бубайри чпин чанарилай гъил къачуна, Ватан хуьнин мураддалди душмандин хура акъвазна къазанмишнавай сувар я. И чІехи гъалибвилихъ чІехи бубайрилай гъейри дидейрин, аялрин пайни ква. Дяве башламишайла, Ватан кІеве гъатайла, кІвачи чил къур, гъиле яракъ къаз алакъзавай гъар са жегъил, жаван гуьгъуьллувилелди дяведиз фенай. Абурун виридан къаст сад тир, хайи Ватан хуьн, хаинвал авур душмандиз вичин чка чирун тир. И четин вядеда садвал къалурай халкъди советрин уьлкведал садагни агъавал ийиз тан тийидайди къалурна.

И сувар алуқьуни чакни са гъихътин ятІани лугъуз тежедай такабурвал, дамах кутаза. ГъикІ лагъайтІа, и дяведа чи чІехи буба Мисриханов Алипашадини иштиракнавайди я. Залум дяве башламиш хъайила чи чІехи бубадин 17 йисни бегъем

хъанвачир. Адан стхаяр тир Жигерни Шагъ гуьгъуьллувилелди дяведиз фена пуд варз хъанвай. Гъелбетда дидедиз вичин патав гвай веледни къакъатна кІанзавачир. Амма бубадин рикІел хкунрай малум тирвал, вичелай чІехи стхаяр, хуьрай ва райондай чІехи пай эркекар дяведиз фена вич дишегълийрин арада амуқьун адаз залан кар яз, аквазвай. Эхирни гуьгъуьллувилелди дяведиз рекъе гъатай адаз вичин кІулай залан пар аватай хъиз хъанай.

Амма гъайиф хъи жаван яз, дяведиз феи, я яракъдикай, я женгерикай, туькъуьл чІулав гумадикай, чуьлда эхай мекъивиликай, кашакай, хъайи залан хирерикай, къиникърикай, залан парщикай бубадиз геж хабар хъана. Абуру вири ада дадмишай адан рикІиз бушвал авунин гъич хиялни къведачир.

Югъ-йиф женгера, чуьллера азабдик, азиатдик акъудзавай абурухъ са фикир авай, къуй и цІаяр чи Ватандихъ агакъ тавурай, куьмексуз диде, вахар амай мукъва – къили-

яр авай чкаяр саламат яз амуқьрай. Хаинвилелди уьлкведиз атанвай душмандиз къулухъди рум гун патал уьткъемвилелди женг чІугун, гъалибвилихъ ялун пак буржи яз гъисабзавай. Сагъ амуқьуникай фикирзава-



чир, амма гъалибвал вилералди акун мурад хъиз А л л а г ъ д и в а й тІалабзавай, – рикІел хкидай бубади.

Мурад къилиз акъатнай. 1946- йисуз чи Алипаша буба вичин стхаяр тир Жигерани Шагъа хуьре къаршиламишна. Пудални

ЧНА ГЪАМИША ДАМАХЗАВА

3 ←

залан хирер хъанатани хайи Ватандиз багърийрин патав хтанай. Къулан стха Шагъ хъайи хирерин нетихада инвалид хъана. Адан хурудал «Яру гъед» орден ва 15 медаль алай. Дяведай хтай гъвечи стхадиз еке межлис къурмишна. Гуьгъунлай чи буба вичин стхаярни галаз колхоздин квалалахал феннай.

1952- йисуз Филерин хуьре радиостанция кардик кутунай. Бубади дяведа

связистдин, радистдин везифаяр тамамаруниз килигна радиостанциядин квалалах гъадал тапшурмишна. Сад хъиз ада электромонтервални ийизвай. Техникайрин рекъай са къадар чирвилер хъуниз килигна ада регъвер, колхоздин молотилка кардик кутунай.

Гуьгъунлай чи бубади хуьруьн почтунин начальниквиле квалалахнай. Регъбер я лагъана къерехдал акъвазначир, «Комитерн» тивар алай хуьруьн колхоздани гъар жуьре квалалахардай. Гъар йисуз 25 гектарда авай колхоздин чуьлдай

векъ ядай. Дяведилай гуьгъуьннин йисар тир. Тухдалди я тIуьн, я партал авачиз азиятдик квайтIани зегъметдин яцIай экъечIдачир. Гагъ дяведин, гагъ зегъметдин фронтда галатун



тийижиз зегъмет чIугунай. ГъикI лагъайтIа адан хиве хуси хизан гъатнавай.

1961 - йисуз Алипаша буба куьгъне Филерин хуьрай вичин хизанни галаз Магъарамдхуьруьз куьч хъанай. Куьч хъайи йикъалай лайихлу пенсиядиз фидалди алакъадин конторада электромонтер яз квалалахнай. Гъи фронтда хъайитIани, вичин везифаяр гъакъисагъвилелди, жавабдарвилелди тамамарай Алипаша бубадин зегъмет «Коммунистический зегъметдин ударник», «Зегъметдин лайихлу вилерай»

тIварариз, медалриз, цIудралди гуьурметдин грамотайриз ва къиметлу пишкешриз лайихлу хъанай.

- Зи бахт - зи веледар я, - лугъудай гъамиша рагъметлу бубади. Алипаша бубади вичин уьмуьрдин юлдаш Саижатни галаз тербияллу ирид велед уьмуьрдин шегъредал акъудна. Абурухъ махсус образованияр, пешеяр, чпин кIвалер ва хизанар ава. Веледри Мисрихановрин тухумдиз 22 хтул ва 37 птул багъишнава.

Къенин юкъуз Алипаша бубани Саижат диде ч а в а й къакъатнаватIани, абурулай амай намуслу, инсанпересвилин ирс веледри, хтулри давамарзава.

Чи чIехи бубадин уьткъемвилер, экуь къамат эбеди яз чи рикIера амукъда. Чун патал ихътин ислягъ уьмуьр къазанмишуник пай кутур бубадин тIварцIел чна гъамиша дамахда.

А. АЙДЕМИРОВА,

Алипаша бубадин хтул.

ШИКИЛДА: ЧIехи бубадин шикил гвайди птул Фатима Мисриханова я.






РАДИО–ТЕЛЕГРАФИСТ ТІАДЖИБ ХАЛУ

ЧИ КЪУДРАТЛУ уъл-кведин тарихда Ватандин ЧІехи дяведин йисари къетІен чка къунва. Миллионралди къегъал рухваярни рушар фашистрин Германиядин винел гъалибвал къазанмишун патал майдандиз экъчечІнай. Абурун жергейра чи районгъалиярни пара авай.

СЕЛИМОВ ТІаджиб Эмирович 1923- йисан 12- майдиз Магъарамдхуъруън райондин Киркарин хуъре дидедиз хъана.

1939- йисуз 8- класдин школа ақбалтІарна, жегъил гада Баку шегъердиз бубадин патав фена. Гъа вахтунда адан буба Селимоа Эмира Бакуда буругърин къуйда зегъмет чІугъазвай. 1942- йисуз Бакудин военкоматди 19 йисан яшда авай Селимов ТІаджиб вичин гуъгъуълдалди Советрин Армиядиз рекъетуна. Фронтдиз агақбай ТІаджиб халуди радиотелеграфистрин йигин (ускоренный) курсар кІелна.

ТІаджиб халу дяве куътягъ жедалди радиотелеграфист яз дяведа хъана. Дяве куътягъ хъа-



на лагъай ван Селимов ТІаджибаз Польшада Станислав шегъерда хабар хъана.

И кардин гъуърметдай ада вичин чІехи хвадал Станислав тІвар эцигнай. Къизгъин дяведа вичин ве-зифаяр лап хъсандиз тамамарай ТІаджиб халу са шумуд ордендинни, медалрин сагъиб хъана.

Фашистрин Германиядин винел гъалибвал къазанмишайдалай къулухъни Селимов ТІаджиб Советрин Армияда къуллугъ хъийиз къве йисуз мадни акъваз хъувуна.

Дяведин цІаяра адан буба Эмир ва стха Куругълини телеф хъанай. 1947- йисуз ам хайи хуъруъз хтана. КІвале ам

диде Инжихалума гуъзлемилшзавай.

Дяведай хтай йисалай башламишна ТІаджиб халу Магъарамдхуъруън почтовый связда радиотелеграфиствиле кІвалахал акъвазна. Гъа са вахтунда хуъруън иски муъкъуън патав гвай гидростанцияни арадал хкана. Эхиримжи 25 йисуз ТІаджиб халуди Райсельхозтехникада, слесарвиле кІвалахна. Зи лап

хъсандиз рикІел алама ТІаджиб халуни адан клдаш Гуъруъят хала. Абурмагъледа лап хъсан, къени инсанар тир. Абуруз еке хизан, хъсан тербияла-мишнавай веледар, хтулар, птуларни ава. Хуъруънвийри, къуншийри, багърийри къегъал ТІаджиб халудал дамахва, ва ам садрани рикІелай алудзавач. Адан тІвар Магъарамдхуъруън са куъчедизни ганва.

Вахтар къвез физва, адахъ галаз инсанарни. Амма Ватан хвейи, адаз къуллугъ авур ксар несилрин рикІелай садрани алатдач. Ветеран Селимов ТІаджиб 2004- йисуз рагъметдиз фена.

ЖАННА.

ФЕНВАЙ РЕКЪЕРЛАЙ АВУНВАЙ КРАР ГЗАФ Я



КЪЕ ЧУН, вичин ери-бине Магъарамдхурьун райондин Азадогълийрин хурьяй тир, къенепатан алакъайрин промишленностдин отличник, алай вахтунда чи арада амачир, рагъметлу Эмирханов Аскер Эмирхановичан екуь къамат рикелел хкуникай, ада вичин зегъметдалди къазанмишай гъурметдикай рахада. Аскер вичин хайи хурьре, райондалай гъейри, республикадани хъсандиз чидай ва адаз виринра лайихлу гъурметни авай.

И гъурмет адаз гзаф йисара жавабдар къуллугърал алаз члугур намуслу зегъметдалди, юлдашрин арада дуьз рафтарвал авуналди, инсанвилдин ерийралди къазанмишнавай. Вичел тапшурмишай гъар са кваллахдила гъугъуьниз баркалладин гел тур адан уьмуьрдин рехъ хайи халкъдиз, Ватандиз вафалувилелди къуллугъ авунин жигъетдай акъалтзавай несилдиз ачух чешне я.

Эмирханов Аскер 1954-йисан 11- январдиз Азадогълийрин хурьре дидедиз хъана. 1969- йисуз Азадогълийрин муьжуьд йисан школада 8-класс куьтягна, Оружбайрин хурьун юкъван школада ада клелун давамарна. 1972-1974- йисара Советрин Армиядин жергейра баркаллувилелди къуллугъна хтай жегъилдикай Дагъустандин политехнический институтдин студент хъана. 1980- йисуз ада институтдин «Автоматика ва телемеханикадин» факультет клелна акъалтларна,

инженер-электриквилдин пеше къачуна.

Зегъметдин биография Аскера 1980- йисуз «Волна» ДНИИ-дин инженервилелай башламишна. Аскеран жегъил вахтар Советрин Союздин девирдал ацалтна, еке камаралди уьлкве вилик физвай, адахъ галаз санал Аскеран кваллахдани цийивилер, къенепатан алакъайрихъ галаз алакъалу цийи, гъеле малум тушир, гъукуматдин еке сир яз хуьзвай аппаратураяр, алакъадин маса тадаракар хкъезвай. Жегъил инженерди абурай къил акъудна, алакъадив алай вахтуин истемешунрихъ галаз къадайвал кваллахиз туна кланзавай. И имтигъанрай жегъил пешекар регъятдиз экъечина. Вучиз лагъайтла, адан бажарагъ екеди тир. гъар са цийи шей рикливай, мукъувди чириз алахъуни, адан чирвилер мадни хкажзавай.

Аскеран уьмуьрни ацлай, бахтлуди тир. Бахтлувилдин уьлчме гила хъиз, пул тушир. Сифтени сифте чирвал, гъевеслувал, патриотвал, дуствал, стхавал къиметда авай. И къудратлу краривайни зи

макъаладин Игит къерехда акъвазнавачир. Вичи кыле тухузвай къуллугъдила гъейри, ада коллективдин общественный уьмуьрдани иштиракзавай.

Йисар къевез физвай. Аскеран уьмуьрдани вахтунихъ галаз сад хъиз дегешвилер жезвай. Гила адакай кылин инженер хъана. И къуллугъдал адал къенепатан алакъайрин техникадила гъейри, гъукуматди еке сир яз хуьзвай дяведин алакъайрин аппаратрин разработкаяр ихтибарнавай. «Ориентирование», «Команда М-Д», ОКР «Акведук», «Дуплон», «Каспиец», «Аргус», «Инсар», «Кушетка». И тварар къур къенепатан алакъадин аппаратар кардик кутунин проекта, абур уьмуьрдиз кечирмишуна Аскера кылин инженер яз важиблу роль къугъвана.

Амма гъайиф хьи, Аскеран уьмуьр фад къатл хъана. 2019- йисуз ам рагъметдиз фена. Рагъметлуда вичелай къулухъ ненинки хъсан твар, гъакл Азадогълийрин хурьре гъурмет авай хизанни туна.

Р. МУРАДАЛИЕВ.



ЧИР ХЬУН ХЪСАН Я

БРЕСТДИН къеле 1941-йисан 22- июндиз немсерин кьущунриз акси румаргайи сифте сенгеррикай сад я. Душмандихъ вири патарихъай артуханвал авайтлани, Германиядин кьущунривай ам анжах 30-июндиз къачуз хъана, вични 550 килограмм къведай 2 бомба, ахпа 1800 кило-

грамм къведай мад са бомба ветъейдалай кьулухъ.

Анжах ахпа къеле кисна ва аниз немсер гъахъна. Амма къеле хуъзвайбурун алакъа авачир гъвечли дестейри августдин сифте кьилерал къван аксивал давамарна.

Брестдин къеле 1944-йисан 28- июлдиз 1- Белоруссиядин фронтди азадна.

ОБЪЯВЛЕНИЕ

ОБЩЕСТВО С ОГРАНИЧЕННОЙ ОТВЕТСТВЕННОСТЬЮ «Спецтехэкология»

Адрес: 633010, Новосибирская область, г. Бердск, улица К.Маркса, дом 36, квартира 44;
ИНН 5445031122; ОГРН 1205400021595

Уважаемые жители!

Уведомляем Вас, что 04 марта 2021 года транспортирование, обработка, утилизация, обезвреживание и захоронение образующихся твердых коммунальных отходов на территории Магарамкентского района, будет обеспечиваться компанией – ООО «Спецтехэкология», которой присвоен статус оператора, в лице генерального директора Нурудинова Мурада Ахмедудиновича, действующего на основании Устава и Агентского договора от «04» марта 2021г., заключенного между ООО «Спецтехэкология» и Региональным оператором МБУ «Служба городского сервиса».

Предельные единые тарифы на услуги региональных операторов по обращению с твердыми коммунальными отходами, руб./куб. м (Постановление Республиканской Службы по тарифам РД №3 от 01.03.2021 г. «Об утверждении предельных единых тарифов на услуги региональных операторов по обращению с ТКО на территории РД») составляют:

1. За первое полугодие 2021 года – 172,54 руб./куб.м.;
2. За второе полугодие 2021 года – 172,54 руб./куб.м.

Подпунктом "а" пункта 5 Правил коммерческого учета объема и (или) массы ТКО N 505 установлено, что коммерческий учет ТКО осуществляется расчетным путем исходя из:


1. Нормативов накопления ТКО, выраженных в количественных показателях объема;
2. Количества и объема контейнеров для накопления ТКО, установленных в местах накопления ТКО.

Настоящий документ представляет собой официальное МАУ «ГОРСЕРВИС» предложение потенциальным потребителям заключить договор на оказание услуг по обращению с ТКО.

Для заключения в письменной форме договора на оказание услуг по обращению с ТКО с Региональным оператором, уполномоченное лицо подает Региональному оператору, в зоне деятельности образования ТКО, по месту его нахождения, по почте или иным согласованным с Региональным оператором способом заявку (заявление) с приложением необходимых документов. С перечнем документов, условиями проектов договоров для каждой группы потребителей можно ознакомиться на сайте Регионального оператора – Горсервис <http://gorservice.tilda.ws/>.

В случае непредставления документов и (или) не подписания договора, договор на оказание услуг по обращению с ТКО считается заключенным на условиях типового договора.

КРОССВОРД



Дуъз цIарара: 5.Зиянкар. 6.Шейэр кутадай парчадин кус. 8.Тамун вилик квай уруеш. 10.Аплагъдин къуд ктабдикай сад. 12.Гвенвай техилдин гIиле гъакъдай клунчI. 13.ПIач ргадай чуква. 14.Чил зурзун. 16.Мажбури къарар. 17.Азият, зегъмет алай.18.Гъафтедин сифте юг. 19.Къизил. 21.Дуьдгъверни кака академна туькIурнавай ширинлук . 23.РикIе авай чIуру фикир, мурад. 26.Недай хъач. 27.Мублагъ, авадан, гъар са куьнив дуьзмишнавай. 28.Ширинар квачиз, ширин тавуна чай хъун. 29.Веледдиз чIехи диде. 30.Аплагъдихъ инанмиш кас. 31.Гамунин диб кутун. 34.Мусурман дин. 37.Лазим тир затIар, алатар. 38.Шейэрин чаравал.

Тик цIарара: 1.Гъавайда, нетижасуз, бес къадар делилар авачиз. 2.Дерин тушир. 3.Гъахъ, Ватан патал чан гуз гъазурвал. 4.Ич, тарал жедай емиш. 5.Къекъвей, къерехдин рехъ. 7.Векин са жуьре. 8.Муьк-ва-къили кас, играми инсан. 9.Вагъши гъайван. 10.Пагъливандин къе-медачи. 11.Еке къимет авай. 14.БалкIандин кылел гъалддай затI. 15.Суьзекдай куьзнавай къатухни шур акадернавай некIедин къафун. 20.Архайин къулай гъал. 21.Куьшунда къуллугъзавайди. 22. 75 сантиметр яргъивилин улчме. 23.БицIи, куьлуь. 24.МетIелай агъуз кIвачин пай, занг. 25.Ислам диндин илим- адан пуд дережадикай сад. 32.ВацIун яд къери чка. 33.Пар, инсанар тухудай алат. 35.Дагъдин нуькI. 36.Гъайванриз набататрин т Iуьн.

ТуькIурайди- Абдулзагир АТАХАНОВ я.

КЪАРАВИЛИЯР

Са сеферда асландиз чакъалди лугъуда:

-Заз вахъ галаз кикIиз кланзава, ша майдандал экъечI захъ галаз къуршахар къаз. Амма аслан чакъал галай патахъни килигнач.

-Эгер вун захъ галаз кукIун тавуртIа,- лугъузва чакъалди,- за ваз захъай кичIе хъана лагъана ви тIвар акъудда.

-КичIе хъана лагъана зи тIвар акъатун хъсан я, вахъ галаз клIана лагъана тIвар къацIудалди,- жаваб гана асланди.

* * *

Са кас къуллугъдал хъайила адан дуст къуллугъ мубаракиз къведа адан патав. Амма къуллугъчиди раклара амаз хабар къада:

-Вун вуж я, ваз вуч герек я?

Дустуни клIусни ягъалмиш тахъана ихътин жаваб гана:

-Заз ван хъанай, дуст, вун буьркьюь хъанва лагъана, зун чIапахъ тахъана ахтармишиз атайди я. Дугъриданни, заз ван хъайи гафар гъахъбур я къван.

* * *

Са гада вичин бубадихъай хъелна фида яргъариз, «яргъи» пулар къазанмишиз. Са йисни хъанач, хъана гада, метIер акъатай шалварни алаз ва вични и патай а пад аквадайвал яхун яз. Фу незвай чкадал бубади хабар къазва:

-ГъикI хъана, хва, анра залай девлетлу кас авачирни?

-Я дах!- лугъузва гадади,- вун гъинай рахазва. Ваз къве хебни са кал ава лугъуз вуна вунни девлетлудай гъисабзавани? Ваз дуьньядикай хабар авани? Ваз зун феийи чкада са девлетлу касдиз авай къван кIвалер, заводар, фабрикаяр акуртIа вуч лугъуда? Вуна лагъайтIа, валай девлетлу кас авай хътинди туш лугъузва.

-ЯтIани, чан хва, гъа вуна лугъузвай варлу касдивай ваз фу гуз хъанач, къе за гузва.

<p>Къилин редактор А.А. ИСМАИЛОВ.</p>	<p>Учредитель: Администрация муниципального района «Магарамкентский район». Адрес: 368780. РД, Магарамдхуьруьн район, Магарамдхуьр, Гагаринан куьче, 2.</p>	
<p>Редакциядин адрес: 368780. РД, Магарамдхуьруьн район, Магарамдхуьр, Ленинан куьче.</p>	<p>Газета «Самурдин сес» (Голос Самура) зарегистрирована Региональным управлением Комитета РФ по печати в РД.</p>	<p>Газетдин регистрацIадин нумра- Д 0174</p>
<p>Газет гъафтеда садра акъатзава.</p>	<p>Чап ийиз вахкудай вахт - 16.00. Чапун патал къул чIугуна- 15.00.</p>	<p>Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магарамдхуьруьн район, Магарамдхуьр, Ленинан куьче. Лезги чIап. Индекс 63340. Тираж 1400 Заказ № 19.</p>
<p>Телефонар: редактор- 25-1-37, жавабдар секретарь - 25-1-39, бухгалтер-25-9-69.</p>		<p>6+</p>